

Garzonen autoak Euskal Herriko giroa «nahasten» duela dio EAJk

Epailearen autoa lege aldetik «traketsa» dela eta ez dela zuzena salatu du Emilio Olabarriak

Eduene Begiristain | GASTEIZ

Ezker abertzaleko hogeitaz buruzagi inputatzen dituen Baltasar Garzon epailearen autoa salatu zuten atzo EAJko legebiltzarkide Joseba Egibarrek eta Emilio Olabarriak. Egibarren aburuz, Garzonen azken autoak ondorio pertsonalak izateaz gain, politikan ere eragina badauka; izan ere, Euskal Herriko giroa «nahasten eta gaiztotzen» du eta gatazka politikoaren irtenbideak «atzeratzen» ditu. Azken autoa «astakeria» bat dela gaineratu zuen Egibarrek.

Eusko Legebiltzarreko korridoreetan egindako agerraldian adierazi zuenez, Baltasar Garzon epailearen autoak «Esta-

tuak diseinatutako estrategia-
ren barruan» kokatu behar dira. «Espainiako Gobernuak 1998az geroztik daraman estrategia horrek Euskal Herriko ezegonkortasuna sortzea du helburu», iritzi zion Egibarrek.

EAJko bozeramailearen irudiko, Auzitegi Goreneko sala bereziak Batasuna lege kanpo uzteko ebazpen bat kaleratzea da PPko gobernuaren xedea, «ezker abertzalea Europako Batasuneko erakunde terroristen zerrendan sartu ahal izateko». Ildo horretatik, iritzi zion Garzon Batasuna lege kanpo uzteko «lasterketa» batean dagoela, eta horretarako Batasunaren zuzendaritza politikoa «kartzelatu» nahi duela.



JUANAN RUIZ / ARGAZKI PRESS

Emilio Olabarria, EAJko legebiltzarkidea.

«Autoa lege aldetik traketsa da», kritikatu du Olabarriak

Bestalde, Emilio Olabarriak salatu zuen Garzonek ezker abertzaleko kideei inputatzen dizkien delituak orain arte ez dituela frogatu. «Batasuna eta ETA gauza bera direnik ez da frogatu oraino», azpimarratu zuen. Gainera, haren aburuz,

autoa lege aldetik «traketsa» da eta ez da «zuzena».


Izan ere, ETako kide bezala inputatzeko bi jokabide egon behar direla azaldu zuen: bate-tik, ETako kide direla frogatzea eta, bestetik, hainbat delitu egin dituztela erakustea. Garzonek «ez bata ez bestea» ez duela egiaztatu salatu zuen.

Autoak konponbidetik urruntzen gaituela dio Elkarri-k

Baltasar Garzonen azken autoak, «bazterketa estrategia-
ren» beste pauso bat dela eta, konponbidera hurbildu beharrean «arazoak larriagotu» egiten dituela adierazi du Elkarri-k prentsa ohar baten bidez. Ikuspuntu juridikotik, gainera, autoak akats handiak dituela eta zehaztasunik ez duela dio Elkarri-k, eta «berme juridiko nahikorik» gabeko prozesu bat dela guztia.

LABek dio EAJ «ezker abertzalearen aurkako estrategian» parte hartzen ari dela

Garzonen autoa eta Jaurleri-tzak azaroaren 30eko manifestazioa debekatu izana «txanpon beraren bi aldeak» direla uste du LABek. Estatu espainiarrak «euskal independentismoko sektore koherentenen aurka» daraman estrategian EAJ «parte aktiboa» dela salatu du LABek. Alde horretatik, EAJko, EAKo eta EB-IUko burukideek Garzonen autoak kritikatzeko «hipokrisia» dela eta «irangarria» dela adierazi du LABek.



RENAULT

ASTIGARRAGA AUTO S.A.-REN
INSTALAZIO BERRIAK



KONTZESIONARIO HANDI
BATEN ABANTAILA GUZTIAK

ORAIN, KUBORA ALTXATURIK

[1] Astigarraga Auto S.A.-n, esperientziak asko balio du. Izan ere, 14. urteurrena ospatzen ari gara, kalitate hobea eta zerbitzu handiagoa azkarrago eskainiz.

[2] Esku-eskura dituzu Gipuzkoako instalaziorik onenak. 4.000 metro koadroko erakusketa, azpiegiturarik berrienak biltzen dituen eraikin garden batean. Inoiz ikusi gabea.

[3] HILAREN 23an eta 24an
FERIAUTO
URTEKO
PREZIORIK ONENAK.

Asteburu honetan, bila zabiltzan autoa zain duzu, goizeko 9etatik gaueko 8etara, etenik gabe.

200 ibilgailu baino gehiago eskura: Marka guztietakoak, Berriak, '0 km'-koak zein Okasiokoak, urteko preziorik onenetan.

Gainera, atseginez ikusiko dituzu
Renault F-1 eta Clio Sport V6.

RENAULT Kontzesionarioa

ASTIGARRAGA AUTO S.A.

Donostiako Ibilbidea, 38 Tel.: 943 55 13 34. 20115 ASTIGARRAGA